

Na osnovu člana 23. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15) i člana 70. Zakona o javnim nabavkama („Službeni glasnik BiH“, broj: 39/14, 59/22 i 50/24), a na preporuku Komisije za zajedničke javne nabavke u Bosansko-podrinjskom kantonu Goražde, imenovane Rješenjem Vlade Bosansko-podrinjskog kantona Goražde, broj: 03-11-1072-3/24 od 10.05.2024. godine, Vlada Bosansko-podrinjskog kantona Goražde, na 102. redovnoj sjednici, održanoj dana 07.11.2024. godine,

donosi:

ODLUKU

o izboru najpovoljnijeg ponuđača za nabavku usluga osiguranja zaposlenika u institucijama BPK-a Goražde

Član 1.

Prihvata se preporuka Komisije za zajedničku nabavku utvrđena u Izvještaju o radu, br.03-11-1072-123/24 od 01.11.2024. godine i za najpovoljnijeg ponuđača za nabavku usluga osiguranja zaposlenika u institucijama BPK-a Goražde bira se društvo „**Sarajevo osiguranje d.d. Sarajevo**“ sa Ponudom, br.01-8339/24 od 17.10.2024. godine i ponuđenom cijenom u iznosu od 240.000,00 KM bez PDV-a.

Član 2.

Prijedlog okvirnog sporazuma/ugovora dostaviće se na potpis izabranom ponuđaču po proteku roka od 15 /petnaest/ dana.

Član 3.

Izabrani ponuđač dužan je dostaviti garanciju za dobro izvršenje ugovora u iznosu od 10% od vrijednosti okvirnog sporazuma/ugovora u obliku bezuslovne bankovne garancije i u roku od 7 /sedam/ dana od dana kada bude obavješten od strane ugovornog organa o zaključivanju ugovora, a shodno odgovarajućim odredbama Tenderske dokumentacije, br. 03-11-1072-77-1/24 iz Septembra 2024. godine.

Član 4.

Odluka stupa na snagu danom donošenja i objaviće se na web-stranici Vlade Bosansko-podrinjskog kantona Goražde, a naknadno će se objaviti i u „Službenim novinama Bosansko-podrinjskog kantona Goražde“.

O b r a z l o ž e n j e

Predmetni postupak nabavke pokrenut je Odlukom Vlade Bosansko-podrinjskog kantona Goražde o pokretanju postupka zajedničke nabavke, 03-11-1072-2/24 od 10.05.2024.godine.

Procijenjena vrijednost nabavke za LOT 1 iznosila je 240.000,00 KM.

Javna nabavka provedena je putem otvorenog postupka.

Obavještenje o nabavci, br. 978-1-2-9-3-13/24 poslano je na objavu dana 13.09.2024.godine, te je istog dana i objavljeno na Portalu javnih nabavki.

Komisija za nabavku, imenovana Rješenjem Vlade Bosansko-podrinjskog kantona Goražde, br. 03-11-1072-3/24 od 10.05.2024.godine, (u nastavku: Komisija) je uz Izvještaj o radu, br.03-11-1072-123/24 od 01.11.2024.godine, dostavila i Zapisnik o otvaranju ponuda i Zapisnik o pregledu i ocjeni ponuda, broj: 03-11-1072-120/24 od 31.10.2024.godine, a u kojima je preporučila izbor društva „Sarajevo osiguranje“ d.d. Sarajevo.

U postupku po zaprimanju Izvještaja o radu utvrđeno je da je Komisija blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je zaprimljena/pristigla 1 (jedna) ponuda;
- da je ponuda prihvatljiva

Izabrani ponuđač „Sarajevo osiguranje“ d.d. Sarajevo je odabran primjenjujući kriterij najniže cijene, koja je ponuđena u iznosu od 240.000,00 KM bez PDV-a.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, a skladu sa kriterijima iz Tenderske dokumentacije, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač odabran je primjenjujući kriterij „najniža cijena“.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se uložiti žalba ugovornom organu u pisanoj formi, direktno, ili preporučenom poštanskom pošiljkom, najkasnije u roku od 10 /deset/ dana od dana prijema ove Odluke.

V L A D A
BOSANSKO- PODRINJSKOG
KANTONA GORAŽDE

Broj: 03 – 11-2381 /24
07.11.2024. godine
G o r a ž d e

PREMIJER

Edin Čulov

